



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛЯХАД ҢАДИБЕРҢА

СИ' ИВ ЯЛЯХАНА ҢОПОЙ' СЕРТАБИВА'

Мэбета вадава" ила' панан' етри' мэква"! НЯРЪЯНА НЭРМ



№ 7 (5229)
2025 по'
февраль иры'
15 яля

СУББОТА

Российская Федерация Ямало-Ненецкий автономный округ



Сидяңг. А. Яптик' тадгавы

Ирина" мякана
мядоңаваць

3

Таңга ңэдалёртава"

Ңавна хаби", сыя хаби" я' няю' тэвава' е"эмня харавна минзь тарась. Тандая' сидя яхаюна" ерв" сава юнм' ваде"ңаць. Ямал' няби тэняңы хаби округ' помна ядэрта" тиртя" ңано" ненза сеҳэры ңадимда.

Тиртя ңано" тидпой" Салехардахад Ханты-Мансийск харад' ңэсонд' ты" саполана ирыхына ңэдалёрць пэңгуд". Си"ив яляхана сидя ядэрта". Тедари' авиакомпания няби аэропорт" серо минрена" ерв" помнандо' тамна тасалкурҗа". Тарем' ңод" вторник' няби четвергм' тэраван' харвавамдо' ваде"ңа".

Тэняңы ян' ңопойри час' пир" минзь тараңгу. Ненадо самолёт тэванангу, ңопой ядэрмахананда мюнда самляңг ю" ненэцям' пэмбаңгу. Ненадовна ненэцие яңга таславы авиакомпания ядэлаңгуда. Сямянхат мирета билетанда мир" 6810 еся ңэңгу. Есяха"на

огругхаюна" нядаңгоднаха". Тидпой" ңэда сеҳэрым' Дмитрий Артюхов' ватовна ңадимдедонз. Тарем' тэняңы ян' таңга тэворма сидя яхаюна" поё савумдамби. Тикахад «Туризм и гостеприимство» проектм' нерня' минре".

Сие ниць иры' нюртей яляхад Салехард' няби Новосибирск' помна ңоб" си"ив яляхана мале сян таңга ңэдалёрць пиртава". Хардаха' помна сюдыяко самолёт ңэдалёрта, ңокханда си"ив ю" сидндет пир" ненэцям' пэмбаңгу. Новосибирскхад 09:20 часхана тиңгаңгу, Салехардахад – 15:05. Ңокханда сидя час юкад вата самляңг минута минда. Вторник яляхана ядэрта. Билет мале мирдапа пывыдо', аэропорт, авиакомпания' сайтха"на, авиакассаха"на тэмда пиртыда".

Анна Яптик' падвы



Сидяңг. М. Яр' тадгавы

Тасалковам' мэ"мы"

«Арктика – территория диалога» тодо" ңэрм' ё" форумам' минреванда" ерв" Москва маркана нюртей тасалковамдо' мэ"мы". Маня" яна" ңэвахана мэна Дмитрий Артюхов интернет' мутравна лаханавы.

Ты" саполана иры' 26-27 яляха"на Мурманск хардахана ма"лэванзь пэрҗа". Тандая' ңуданданандо' таранадо' Юрий Трутнев сиддо' ма"ламбись. Пыда лахарём' нэмбаванда мальҗгана вадада тарця ңэвы: «Похо" тодо" яха"на илена" Ңэрм' ям' тохоламбаван' харвана"

ңокамдана". Итя ңабтэня яв' хэвняна илена" ңобтики турцеты". Тарем' ңобт' тэворпана" тасаламбада" серо"на" ненэся тародо' таняңгу».

Россияна" серо ня"амбада" ерв" Ңэрм' я' ед' ңадимдембада манзаядо' тянё ни ңа". Илаңгана тарана проект ңадимдемби", и"мня тэвана мэта" ңано" сеҳэрым' сертаби". Тикы' хавна Россияна" ерв' ватовна тамна хуркари манзай тасламби".

Ма"люрмамдо' Мурманской область' няна мэтадо'. Таняна Россияна" Ңэрм' няңы флот няби атомной ледокольной флот ңаха'.

Ма"люрмандо' ненадо вада" «На Севере – жить!» ңэңгу". Ңэрм яхана илена" ненэцие" илам' савумдаван' харвавам', тодо" ё" помнандо' нята таравам' вадидо' хэтыби".

Дальний Восток' няби Ңэрм я' серо минрена Алексей Чекунов ңани яляхана хурка ңаво тасламбавамдо' ваде"мы: «Ңэрм' ява" Россиям' нерня' пэртаңэ толы. Ңарка яв' и"мня тэванана ңано" хан"лава' сеҳэры, хэвняд еси" няд"мам' хомбава, илам' савумдамбава, едэй мутра ңадимдембава, тохолкова, манзараванда ненэцие

хамэдамбава, тодо" ё" помнандо' нятва, толырто' тянё ненэцие" ила' саирм' лэтрамбава – мал' саць тарана" сер". Ма"лэвана" мальҗгана тарця серо" нямна яңга тасалкова мэтава".

Мурманск' няна ханзер' хамековамдо' областыңдо' ңэвахана-мэна Андрей Чибис ваде"мэда. Форум ңэва' ёльцяңгана тамна сёбар" ед' таславы «Праздник Севера» нубета яляңдо' хасава юр' пом' мэта". Ңадьбьята мядондито' ман"мандадо' ңока ңэңгу.

Ңанине Яптикы' падвы



Янгамдавы" лабтэй ня"марпи"

Небо' лимбя' ирыхына округханана" ты пэрти" ед' нули" тарана серм' надимдець. Е"эмняндо' тыто' пардон" лабтэй мипа пяць. Тамальгана тарана проектан' 42 миллион есям' округва" надимдевысь. Ханя' сяжок есям' сад"мам' округна" ветеринария' центр тасламбида. Мюсерта" ненэцянг" мирципой" нупой янорэй' мипидо'. Аптечка' мюня ты лекарабтамба мэта", хуркари" тарана" навэ хомби". Пардон", мерё масарпа, палныба мэта" навэ" тая". Тарем' ненэця" тыдо' хабцяггад лэтра пиртыдо'.

Та' ямбан' округна" ерв" ты пэрти" помна нэдалёрнаць. Тамальгана тэхэ"на мэна" ненэциена" аптечка янгамдава' нямна лаханавыць, мюнянда ханяңы" нямгэ" тэхэ"на саць нивы" тара". Палныба мэта" саць жока", тикы' е"эмня несэй навэ мэбато' сава нэңгусь. Сидто' намдавы", теда' мале вы' тер" нердена янгамдавы" аптечка ня"марпа пяць. Жока хибя" саву"ядо'.

ХИБЯ" ЕДЭЙ НЯД"МАМ' НЯ"МА ПИРТА":

ты пэрты" мяд' тер", нобнэ илена" хибяри".



ТАРЦЯМ' НЯ"АМВА' НЯЮ' НЯХАР" ВАТОМ' НЭДАБАТО' СЕРО"ЃА:

- ненэць' яна" тер нэбата тара;
- харе" тыда хусувэй тарана прививкасавай", биркасавай" нэпто';
- пыда тэхэ"на мюсерманда хавна, невхы ирината ила' саирм' нэдавандя нямна округна" системахана падбата серо"҃а.

Пардон" аптечкам' ня"амва' няю' падарм' пада тараңгу. Тикым' харе" падбата нод", харвобта хибяхов е"эйданда падамда, пад"махаданда яхананда, районхананда нэда ветеринария' центрэн' мипата тара.

ТАМНА ЃАМГЭ ТАРА?

- падвы падарта (ханзер" падыбада нэвамда нянда манэ"лабтаңгудо');
- паспортада, илесь янда ненадумда"ма, е"эйданда хибяхов паднабата, нани' паспортанда сидяңг тараңгу;
- паспортхананда илесь янда ненадумда"ма янгоб", та' ёльцяңгана тэри округна" тер" нэвандя нямна ненадумдавы падарта тараңгу;
- е"эйданда нани' ненэця' аптечкамд ня"амбата, тикахана падвы падарта нотариусхана ненадумдавы нэбата тара.

Падрода мал' сава" нэбато' ненадумда"масавэй падраком' ня"маңгу. Ѓамгэхэвандя янгоб", нани' пырдары' падрода тыхасовна ма"лаванзь митыдо'. Юкад вата самляңг яля' ямбан' аптечкам' ми"мамдо', нивамдо' тасламбаңгудо'. Сидта ханзер" хонрава' нямна ты пэрты харта тасламбаңгуда.

Ты пардон" аптечкам' нибато' та", не-сэйвана падрода янгамда пиртыда. Сававна ма"ла"махаданда нани' янорэй' падрода тэвра пиртыда.

Тюку по' ты" пардон" аптечкам' ёнаркад вата мяд' тер" ня"маңгу".

Соя"ма' ялядо'

Яра ирыхына округханана" ноб" халядани" предприятий нарка соя"ма' ялямда ядабтаңгу. «Тазагрорыбпром» 95 поданда ханда. Тикы' няю' пыдо' нарка хэбидя ялям' мэ"манзь тасламби".

Ненадо яляханандо' невхы похона манзарамамдо' мядондахато' манэ"лабтаңгу". Ѓавнандо' предприятияндо' тарем' юнетаңэ хэвандя няю' ненэй ненэця" илева" манзараць. Сяни" ю" по" планодо' томдабиць. Яханандо' Салиндер", Пурунгуй", Тэсида", тарця" еркаро мэта" тедалахана ёраць варемдо'

мэ"҃а". Халядани" поңгана сава юндо' со, поңгадо' пили" пан"҃а". Пыдо' сидтипой" «Тазагрорыбпром» предприятий юнда тарем' ныхы ян' нись соңгу". Хэбидя сайнорма' похона таяна ёрмы" иринадо' варедо' мэ"мы". Сяжок юр" тонна халям' техэ ян' нидо' нядаба нэдаравакы".

Теда' тамна сававна тид" манзаямдо' минревандо' няю' ханяри' тохолкованзь нэдалёрна". Тикы' хавна нани' яхана тохолкода" илебей" ненэця" теневабцудо' мэйраванзь няндо' ми҃а". Тарем' предприятияндо' серо нерня' тид-халемба ена".

Пэндья" ёльце тарана"

Округханана" тамна невхы илаңгад пэндья" тая". Нарка хардахат ныхы яхана илена" ненэцяңга"на саць тарана" нямгэ".

Я' поңгана лабкахана тэмдорць пирнадо', ханяңы" по' сидя вэчна таяна нядэ". Илева' ямбан' тарем' ненэциена" няд"маңэ пэндьи мэ"эйдо'.

Теда' нод" Ямалханана" фактория" тамна манзара". Тикыдо' ненэцие" мюсьлава" ниня ҃а". Таянд пыдо' хусувэй тарана нямгэмдо' хомби".

Миредо' нод" саць нарка" ни" ҃а".

Хахаяда яля' Ямальской районхана ханзер" яханандо' факториято' манзаравам' тасламбиць. Яханандо' ю" няхар" пэндья" тая". Тикыто' серо сававна тидхалембавандо' е"эмня районханандо' етри' нядабидо'.

Небо' тодо" фактория"мана самляңг ю" тонна наварм', си"ив юр" тонна бензинм' тэвравы", тикы' хавна 139 тонна няньм' ябцавы". Тикыто' поңгана сававна манзаравы" ненэциедо' ненадумдавыць.

Ирина" мякана мядоҗаваць



Сидяҗ: А. Яптик' талтавы"

Леонид Васильевич Лапцуй' ирина" мядм' мале пон' сулорпидонзь. Мякнанди' пухуцянда – Елена Григорьевна Сусой' ня илеҗаханзь. Тюку по' яра ирыхына сертадонзь. Ненэця" мядоманзь тэволыдаць.

Теда' сидя илесь мядм' җопой хардадрев' сертавэдонзь. Няби лохохона сававна теневавы няда – Василий Тихонович Подшибякин илевывсь. Пыда я' тебтм' портаҗэ манзаравывсь.

Маня" «Няръяна Ѓэर्म» газета' терҗэ тандая' тания' ханҗаваць.



Мюймда таҗгумдавэдонзь. Едэй мутратна җавэ сертавыць. Сидна" музейндо' мюмня ядэлаць. Җавэто' яҗга"мам' манэ"лабтаць. Ирихиюна"-хадахаюна" иле"мям' вадэ"җаць. Пыди' җэर्म' тер" ила' саир' нямна паднавэхэ'. Сидти' ханярина тенева". Падвыти' сер' ненэця", җацекеы" ненэй вадавна толаҗгу". Невхы" иле, манзара, падна мэ"мы лохоти' мюмня ядэрҗаваць. Сямян

Җавнанди' пыди' җобтики «Няръяна Ѓэर्म» газетаханана" манзараҗаханань. Та' малыҗгы падвыди' тамна толабина". Хусувэй падвэхэнанди' хуркари" илаҗгана тарана" ватодава" хомбива".

Музейн' мядоманзь турмы ненэй нем' ядабтадамзь. Пыда тарем' мась:

– Елена Григорьевна Сусой' хадана" илева' малыҗгана тюкон'

нянда турцетыва". Сидна" җули" сававна нюдрев' ядабтасеты. Ваде"мандада җока җэсеты. Ханяҗэхэна җамгэ намдаван-да танияб", няданда хонрамбасетыва". Мята музейҗэ тарава–җули" сава. Мяни тер" ня җоб" яля' тэворҗаваць, җанисэяркавна сертавэдонзь. Хуркавна җод" җахатандато"олха. Хибяри" мядоманзь турць пирҗадо'. Вадёдана" җацекеы" иринато' манзара"мам', иле"мям' нидо' юрибаҗгу".

Сяхари' тики музейн' җани' тэвортава". Хуркари" мэкад" серо танияна сертабаҗгу". Хаяда яля' Леонид Васильевич Лапцуй' иримдо' тензебтемба «Лапцувские чтения» нюбета яляхана падвы стихотворенияда вадэ"манзь ма"люрта".

Руфина Окоэтто' падвы

Ной паны сэдыбаҗгу"

Җарка я' юн ◀

Лимбья' ирий' пудана яляхана җэर्म' тер" центрхана «Паской ной паны» нюбета несэй проект манзара пэяць. Проектхана мэванда" не" едэй серм' хамедавы". Җобкана «Мел" манзарана» сэдорани" ня нюртей мэва ма"люрҗаць.

Ной паным' сэдыба нидо' тохоламбаҗгудо'. Сэдоравандо' ёльцяҗгана машинкам' мэць теневабто' тара. Җокханда проектхана мэванзь хасава ю" хибяри" товыць. Наҗэдя тет ирий' ямбан' хусувэй не серм' тенева нанда хэвхана манзаямда минреҗгуда – ной панэмда сэдыбаҗгу. Нида мел" не Светлана Попова тохоламбаҗгу.

– Не" хуркари хой' паны сэдыбаҗгу": тики" Канин', Җарка я', Нюдя я' тер" паны" җэҗгу", –

Светлана Попова мась. – Тены" похо"на хари" паны таниява тарана серҗэ хая. Җани" тэнз" ненэй паным' мэ"ман' харвабцодо' тания. Маня" хонаркосетыва": «Пыдара" нянанда" җамгэ' е"эмня тара?» Пыдо' манзеты": «Паской».

Проектхана мэвамдо' есяхана нидо' салдамбаҗгу". Валакада нойдамдо', тамна таранадамдо' харто' тэмдабато' тараҗгу. Тет ирий' ямбан' не" ма"люрта".

Ульяна Латышева округна" музейхана манзара. Пыда харта панэдамда сэдыбаҗгу, илаҗгананда мэ"мандада. Вадада тарцясь:

– Мань ненэй недм', нини" Канин' хой' тер". Хари" ной панэни нямна ими пили" ядэрцеты, ихинани манзетыдм': «Җоб" сяхари' панэдами сэдаҗгудм'». Теда' ёльцяда хадри' тэвнакы? Нюртей па-

нэми хар"н сэдаҗгудм'. Маня" мякнана"–мал' мел' не". Мань җод" тарцяҗэ җэван' харвадм'.

Галина Ануфриева – җацекеы падтаҗго тохоламбада.

– Пыдо' сяхари' хуркари" тэнз" ненэцие" паны падтамбасеты". Падтаҗговандо' ёльцяҗгана харто' яханандо' илена" ненэцие" ембдяро маниебто' тара. Ханзер" сэдыбада", тодо" тэнз" мэта" паны теневаҗгу". Теда' сэдораҗгудм', хари" сэдвэми ёльце тараҗгу. Округна" җарка яляхана серыбаҗгув.

Светлана Попова' вадавна, тованда яляхана хасава ю" не" сэдора лапцеҗгуд". Нерняна сидто' җарка, мэкад манзая җате.

«Паской ной паны» проект манзаямда 2025 по' саво" ирийхана ёльцеҗгуда. Сэдыдо' ненэцие" центр' мякана манэ"лабтаҗгудо'. Танияна җарка выставка ваераҗгу.

Юлия Талеева' падвы



Сидяҗ: Ю. Талеева' җадабтавы"

Сидярг: Руфина Окоэтэгто' тадгавы



Ңацекеы тохоламбада



Сидярг: М. Яптик' тавы

–Мань Яптик' сая' хой' няна соядамз. Ңацекеы җэвани' мальҗгэхэд таяна иледамз. Выҗгы иле'мями ихинани тенеv. Няханани поёрманз, нерманз, тудакo, җоди ма'ламбуванз ханцетыдм'. Нюдяко җэдахани неvями, хадами си'ми хусувэй җамгэхэна тохоламбинз. Сэдора, хаям' хыраба тенеvадм'. Хадани пивад сэдадамз. Ңобкана сэдоранинз, си'ми тидхалембис. Тикы нюртей сэдьями тамна тенеv. Мя'ни тер' хусувэхэндо' нидамдо' җодякоход паҗгалҗадамз. Панормам', җодяком' пэрмам' сяманхат харвобтаv. Хардахана ханяҗэхэна панорцетыдм'. Хой' ня' неvяхаюни'-нисяхаюни' манэ'манз ханцетыдм'.

Си'ив похонани' хардан' тохолкованз тэvывац. Тиртя җанохона сидна' ханац. Пэ сая' интернатан' тэvынац.

Таяна сэврини мэ'җадамз. Луца вадам', ханзер' ембата таравам' нивась хамедамбю'. Паднабцям' ня'амбавам', парта' тяхана җамдэ ехэрадамз. Тохолкованз товэҗэ җопой классахана мале сянвац. Ңаркамбой' тохолкода' нина', луци' нена' сидна' табедамбасеты'. Тикы' сер' харад' иланд' тухудамз. Ңани похона нябимдей классан' то'махадани' нянани нензелась. Тарем' школа-интернатхана хасава юдимдей класс' җэсонд' мэдамз.

МАНЗАЯНДА НЯМНА

–Саяҗгардахана Ямальской многопрофильной колледжха-

на нудяко җацекехэ'на манзара тохолкурҗадамз. Хар'ни ихини тая' хэс таславась. Тохолко вареми мэ'җадамз. Тарана' серка'на җани' мэсетыдм'. Пуна школахана манзара пэйвац. Таҗок по' сер' тенеvабцуни тамна сававна җокамдаванз, институтхана тохолкудамз. Теда' манзаями тяхасовна мэнев. Хусувэй по' тидхалембада' серона' яҗгамдамбасетыдо'. Мань ихинани сава. Ңамгэхэв ехэранам' тохола тарасеты, тикы җани' нюрцям' җэсеты. Ңацекеы тохоламбава нянани нензел'. Нюртей тохолко пэвы тохоламбидм'. Пыдо' вадэдавандо' ямбан' мань җод' едэй җамгэхэ' тоходанадм'. Тюку по' тетимдей классм' малеҗгу'.

Ңобаҗгуна тодо' хардахат Саяҗгардахана җацекеы тохоламбада' ма'лорҗац. Тенеvана' няхатато' тохолкурҗац. Тенеvабцодо' җадимдембиц. Таяна Мария Яптикым' торомдадамз. Лаханакурмани' сер' иланда ваде'җась. Пыда Ямальской районхад Пэ сая' хардахад җа. Нисяхаюда-неvяхаюда выҗгана илеҗаха'. Ңацекеы җэванда мальҗгэхэд хой' няҗы илам' сававна тенеvада. Тохолламбада җацекехэта ханзер' җэрм' тер' илам' ваде'мамда, манэ'лабтамбавамда хонрамбидамз.

Тохолламбадини' мал' маркана иле'. Выҗгы илам' ехэрадо'. Няндo' ты пэртя', җэрм' тер' ханзер' илевам' вадецетыдм'. Ханяҗэхэ'на киноҗэ, сидяҗгаҗэ манэ'лабтамбасетын'. Ңацекекыни' тэри' пысаҗгасеты', хонравандадо' җока җэсеты. Хуркари' мэкад' серк' ядэласетын'.

Ңобаҗгуна школаханана' «Душа Ямала» нубета этнофестивальм' җэванз ваде'җац. Тарцям' намда мань җацекехэ'ни мадамз: «Ямал' нямна стихотворениедамда' тохолаида». Ңэрм' тер' ембдьяро сераҗгуда'». Тикы ненадо фестиваль җарка яна' тер' тодо' тэнз' ненэцие' яля' е'эмня миҗась. Ңацекекыни' ненадумда'ма' падарм', җудито' терад ня'мац. Тад нерня' җани' варева' мэтава'.

Тарем' падарка'на ва'лэй нява' манзаямда сававна минремда. Тамна' тяха' сац тарана таром' ха'аврамбамада.

Руфина Окоэтэгто' падвы

Ямал' тер' е'эмня

Мале сян яля' тяхана нянда' тикы юнм' тэvравац. Та' мальҗгана округна' җэвахана мэна няби я' индадм' нэкалпади' «НОВАТЭК» компания' ерв яҗга җобизер' серо минрева' няю' җэда ненадо падарм' падвэхэ'. Тикы пидтевы падарти' сер' Дмитрий Артюхов няби Леонид Михельсон тад тованда тет похона ненэцие' ед' җадиберта проектади' җобкана тасламбаҗгуди'.

Ямалва' тикы компанияха' мале җока' по' ниди' няц нерня' миҗаха'. Округна' җудандана' вадавна яна' тиҗывна илени' ил' хусувэхэт савумдана. Мядо мимбавари ни җа', ненэцие' яля' няю' җэда серо җани' тидхалембидо'. Тарем' Хальмер-Седехэна иле-

на не Валерия Гутман (Тибичи) «Хобцокодва» хохова'» проектамда сертавы. Грант' еси' няд'махана пяхад мивы хобцоку тэмдавы.

Ңобкана минрена проектади' җока. Поҗганандо' тарця' таян': Харп' халэ вадабади' завод, Ңэдяҗгана илена 800 җацекеҗ таславы школа няби хабарталва, таддикахад тамна җани'. Ңарка предприятиядо' Тарко-Салехана җа, җадбьята таяҗы яхана сац нядаҗгу'.

Пыдара' җод' тарця проект' няю' еся җадимдембабато', җобтики нерняку җада'. Маси' тарем' ненэй ненэцяҗэ илма' тамна тяхасовна ехэрана ненэцяҗг' манэ'лабтаҗгура'.

Анна Яптик' падвы

Вадам' нерня' минре

Ханярина хардаха'на җэрм' тер' нина' ненэй вадава' ханзели' нерня' минредо'. Тикы' сер' вадэдана' җацекекына' вадамдо' тенеvаҗгудо'.

Тазовской районхана Хальмер-Седехэна интернатхана илена' җацекеы' лаханако җадимдембаҗгу'. Ңарка табекода нядандо' Алиса Дмитриевна Неркахы тара. Ңобкана сертабавандадо' - «Лэморoko» нубета театр.

Небо' «Российский Север» форумхана Алиса Дмитриевна грант' еся ня'амвись. Нядаҗгосэй' есяха'ната таславы театрамда тидхалембаҗгуда. Теда' тараванда җамгэридамда тэмдавы. Тад пуна тамна җани' серода тасла-

хая, җацекекыта ня хамекода'. Хуркари лаханако ты' саполана ирыхына манэ'лабтамба пяҗгудо'. Манзаянда тид' мимб', җани' нудяко' хардаха'на җацекехэ'на манзарана' няхата вадетада.

Ненэй вадавна җэда' лаханако выҗгана илена' җацекекы' нензел'мана вадетыдо'. Вадамдо' ехэранарка' җоб' тарем' тохолкода'. Лаханакохонато' җэрм' тер' ила' саирм' манэ'лабтамбаҗгу'. Пэдава нява' җацекекы' е'эмня ёльце сава тарана серм' сертаби. Тамна тяхасовна варемда мэ'җая. Ңэрм' тер' илебей' ненэця', җацекекы' иринато' ила' саирм' тидхалэ минремдо'.

Солне Ңокдэта' падвы

Лаханакудо, ёльце мэкад"

Яр-Салыхана «Яля' иня» тер» «Голоса тундры» нубета хэбидя ялям' сертавыць. Пыдо' «Яля' сэв» нубета культура' мякана ма"лорҕаць. Хардахана илена ненэцие" е"эмня лаханаку ваде"ҕаць, хыно"ҕаць.



Сидяңҕ: Н. Сэротэтто' тавы'

Ңокханда сидндет' пир" манзаям' манэ"лабтавы". «Ңодяко' тэнзан» ядэрта" не ҕацеки" харто' сэдвы" имбытадодо' ҕадимдевы". Тамна тет некоця" Анастасия Ладукай' сэдвы имбытадо' сервы". Пыдо' ҕэрм' яхана вадёданана җодяраха" ҕэвы". Илья Сэротэтто мел" ненэциам' савута сём' ханавы. Вячеслав Хобкович Вануйто «Я' тэта нюдм» ярабц' пелям' мэ"мы. Несэйне Сэротэтто няби Максим Хороля нули" теневана луца сём' ненэй вадавна падвэхэ', каверм' сертавэхэ'. Ёльце илекавна хынабцади' лэ"эмна хан"мы. Евгений Худи СВОхана мэна", ява" лэтрамбада" нина" ед' падвы «Нён яркая» сёмда мэ"мы. Таддикахад Илья Ерменевич няби Евгений Варьевич пыри' нямна җэда спектакльм' манэ"лабтамбавэхэ'. Тамбирувнанда мэкадаха' ҕэвэхэ', мядонда" письмбатот' пулыто' нид тэри макабтырмы".

– Нерня' мя"ни' хэвхана манзаини' пэрҕанинзэ. Мань я"амна сырҕаҕана сырҕадм', няхани мадм: «Поңгад манэтан? Халэв" җоб" пывыдо'». Недециам' мимбада нями лэрэ санэй". Ма"нив": «Ңэе, манэкан». Ти-



кав нив хань". Манья" мякана манзаина" пэраць хаива". Нява" поңгамда вата, пырим' еремдевы. Тиднэ хэсь мята няю' пароць, хальмер" няюмна хэсь тасла"нидав". Тадхав' яльй". Ядванда сер' марць хан да хибя хав то й да м ба пята, сидяняхар" тойдада, хамэда

я"мада. Ватаҕодава" мя"амна җапамба ҕадимья. Паромба миндаханда җоб" нёховы. Няданда хонаркудм: «Ханзер" хаян?» Лэрэ няни санэй", мань ҕани' җападм'. Вадець пята: «Хальмер" нямна тодамзэ. Павэхэни си"ми ладыбада танянив". Пуня' сыласетыв" – җамгэхэрт яңу. Хибя си"ми пя, ҕылека си"ми пя?» Еремдевы пырида павэхэн да ладыбавэда җэ"нидав". Харада тарця: пыри мерари' хангана ни ҕа", пад' мюня җобта тара, – Илья Ерменевич тарем' ваде"ҕадась.

Няндот' инзелеванзэ, сырманзэ товы җокась. Поңганандот' җаркамбой" ненэци" танявыць,

пыдо' тарця вади хэты": «Хардахавана ненэй вадава" ялэхэ" вунива" мэс". Илна" нямна җэда сё, иле"ми намдава – ёльце сава».

Вадам' минренадандот' Несэйне Сергеевна няби Артур Полькович Сэротэтто таравэхэ'. «Янамбовна җоб" ма"лорҕацьыва", хамекосетыва". Теда' «Яля' иня» терҕэ манзаина" ҕадимде таславаць. Тюку сер"ма" сидя по' ямбан' минрева". Нина" етри' нина" манэшо", лаханаку ваде"ма' хавна хусувэва" харта манзаясавэй. Ңанихи"на җаркамбой' зал тарава' сер' ҕа, тамна җокарка ненэциам' ма"лаван' харвава"», – Несэйне Сергеевна тарем' ибедорҕа.

Анна Яптик' падвы



Тасу хаби" ила' саирм' вадета"

Красноселькуп' тер" невхы иламдот' торомдамбава' ядо' ҕадимда. Таняна тохолкурта". Вадамдот' тохолаван харвана" едэй мутры няд"мяць сянакурта". Тикыто' сер' невхы иринатот' иланд' тэвнарха" җэңгу". Харто' сэвханатот' хусувэй җамгэм' манэта".

Сидто' нерня' тидхалембадаҗэ Валентина Туровинина тараңу. Небо' Ңэрм' тер" илебей" ненэцие" форум' мальҕана есям' недво"мы. Сертификатанда тер 850000 еся ҕэвы. «ОстроVa» нубета платформахана минреван'

харвана манзаямда ҕадимдевы. Ңока нита поңгана ваде"мэда, пыдо' мал' саву"мэдо'. Ня"амвы есяханата хусувэй тарана җамгэридамда тэмдавы. «Сома – утыя» кружокхананда юр" ҕацеки" тохолку". Си"ив яңорэй' җобт' тэворҕа". Тохолковандот' е"эмня есям' ни" салдамбю".

«Си"ми нядабавы ненэцие савари" вадарихи"на хомбин. Ңопойриңэ җамгэхэвм' нерня' тидхалемба саңговоҕа. Ңавэдаманзаями пяв. Иле хардахананато" тэнз мэта" ҕацеки" мал' «Арктика» нубета мят' ядэрць пирҕадот'. Школахана нюдяңэ

толёда" – мат" – юкад вата җопой потна" яни тер тохоламбаңгудм'. Пыдо' тасу хаби" ила' саирм' торомдамбаңгу"», – Валентина тарем' лаханавы.

«Манья" вадавнана" лаханана" ёльце тянё. Хусувэй по' тамна тянюворҕа". Ңацеки" луца вадарим' тенева". Небянадот', нисянадот' җобтики харто' вадамдот' ехэрадот'. Тамна' тяха' тарця җэб"нанда җобкарт тасу хаби" вадам' мэта ни хаэд". Ңадьбяни таславы манзаяханани ҕацекехэ" ҕарка таром' тэврангудм"», – Валентина ида тарем' ядэрҕа.

Пыда нюдя җэвандо' мальҕана ҕани' Тасу хаби" культура мят' ядэрмы. Теда' харта таняна манзара. Харад' тер" ҕацеки" е"эмня иринатот' илам' лаханакодарев' мэ"ҕада. Ихинанда нюдя ҕацеки" тэри урокахана мэвандот' мальҕана саць сававна вадамдот' тохола я"мадо'. Валентина ҕани нида няць е"эмнандот' яңга мастер-класс, едэй мутрасавэй" сянакубц, видеоролик сертаби". Тарем' ехэрана" вада" ихиндот' мэвэна ха"морҕа".

Галина Окоэтто' падвы



Чедеш тада

Чуки 2025 пома Россия дяханана Год защитника Отечестваң тунды. Ѓалка дяна палыңота хайнодыш нэхэлмаң дет тондота поңэ таслаңаташ. Маня" Ямалханана чуки пома «Год героев», округна ѓалка ведв таньше тасламы. Талям пуң ѓайвахана манде таньдет ѓайта шеду" шанат калтыхина мээлѓаш".

Чуки похона хампљяңк дѓнаѓкат ва'та мероприятия" шедтанаѓа". Таньнякуй дяхана Калпюдкана дидина неша" ѓопт ѓомаш". «Снежный» нимита клубхана «Год защитника Отечества», «Год героев» найѓаш". Чики калтыхина дидина" ѓалка концерт' шедтаѓаш". Таньдет



Таттама: А. Пяк таттамы

ѓайта патриотический' кыңсу" мэѓаш", тадаѓаш", вандмана" шедтамайтуң театризованный' пастановкам' ѓычимчеѓаш". Ѓашкиуди" ѓалка нетуң маңыдешь выңушамна кулкади" кыңсу" мэш кынуѓа", тадаѓа".

Чики дяхана четдьяңкня потуң каймы" ѓашки" нельчеѓй паспорт'туң няамѓа". Тальша мепроприяи" ѓалтана" ѓашкяхена" тадаѓа". Шиниңкуй нидинана, катанана хайнолмам, четан СВОхана мэна нена" хайнолман дюлмана тай"хана шедтамы".

Чуки похона наѓаң шитчет' дю" пуңэ кайны хэлаку" лусахана" хайнодыш нэхэлма похот. Маня" ѓалка дяна чел" нэхэлмахат шанат ѓыди дяң чел" таңкаш дидиндайташ". Хайнодыш нена" чокудюмам чедеш тада. Талям четаң Ямалхатна хайнодыш каймы нена" куняна хайнолмам, куше округханана хайму" нятапѓамтуң вачаштума". Таньдѓльшкай шеду" ѓалтана" ѓашки" чедимямаң мэт, маня" Пуровский' районханана чуки похона кулкади" таньдет ѓайта мероприятия" шедтанаѓа".

Нюңкмана мяналяш"



Таттама: А. Пяк таттамы

Чупей нюңкмана мяналяш". Ха"муляш вядкулодыш", шулвильш", тувкам ѓайтапиш". Пуровский' районхана пиѓи нэхѓта", нюңк ѓашки" Северное многоборьең дет тондота спортхана мяналмантуң мэт Талкан ѓомаш". Шеѓв'дю" мат" спортсмен' Северное многоборьең дет ѓайта" спортхана мяналяш".

Ѓопшел хампљяңк команда" – няхалтуң Талдахат мэна", шичатуң Самбулкахат, Калпюдкат томѓхѓң. Шана'кота" Северное многоборьең дет ѓайта" хампљяңк спортхана пытатуң конулпишь. Няхал дяляң дямпан мяналяш". Таньше шана'кома Ѓѓлм'чел" нешади" дилхат ѓычимы. Талям выңкат тоходкош томы" ѓашки" мянадыш шана'комам ха'шаѓоѓа". Ха"мольш вядкулодыш, шулвильш, тувкам ѓятпѓш дѓльше пимши". Ѓалка нетуң поңкна

нюча" ѓашкиудехелт" шеѓв - шитчет' потуң ѓайта мяналяш". Пыгтоң манде выңушауди", Северное многоборьең дет тондота спортхана мяналмам хомана каматымпи". Ѓашкиуде" нюңкмана мяналяш". Каса" ѓашки" поңкна ниѓашкиуди" чепильш".

Нельчеѓй дяханантоң мяналта" няхал ха"амхана ха"муляш". Чикехет кану" ха"мулпѓш чепильш". Канутоң дючимана ѓупкѓйван ѓамтамы". Ха"мулпѓмытуң кану"тоң тотуң пилсатуң. Нюча" ѓашкиуди" дамту" кан'уди" хамулпиш". Нимимты дяхана спортсмены" тувкам ѓятпѓш мяналяш". Няампѓчитуң тувшитоң шет' 350 грамм. Тальша тувка шетшапта ѓотнаѓ, медьшахана неньшалмана куптаң ѓайтанана ниѓа. Шетшата" тувка" медьшап пусыпѓтан пуңышейң тошту". Талям спортсмены" вядхантуң мяналяш". Чики дялянтун вѓкна спортсмены" пям няампѓш шульвильш чепьѓаш". Ѓуп, шича, няхал километра" шульвильш матапѓмытуң дятоң таң кунаш. Дѓля хылахана шульвильш неньшал ниѓа.

Талям нюча ѓашкиуде" чешчахана шульвильшпатоң тѓтнашту". Мед хитамантуң мэты ѓупмянас, ѓуп похой дяляманымы" спортсмены" ѓокна шулваштут. Няхамты дяханантоң мяналта" вядкулодыш чепьѓаш". Няляң паңк вядкулпиш". Налка ѓашки" пихиня мянадыш". Чешчахана кукиты каньмантуң камна тыньшаѓотуң кынидештут. Ненѓй тыньшам ниня" мэта кухулт мэвтамың финский' тыньшаѓотоң кынидештут. Талям пихиня вядкулодыш ѓупчики тѓтнаѓаш". Мьяналта" нипнантуң вядк, няхал папыткантуң пут вядкулодыш хиташту. Пуровский' районхана няхал дѓнаѓкат ва'та" спортсмен" Северное многоборьең дет тондота спортан канѓа". Мьянадыш хитамахататоң мяналды" спортсмены" ѓопшелды хапљяңк'дю" ѓуп наградам няамѓа".

Хомана шана'комы", ѓайвахай местам канамы" тотуң диплому", медалю няамѓаш". Ѓокна мяналмѓхѓты" няхамты местам Калпюдкат мэна" канаѓатуң. Нимимты местан Самбулкахат томы команда каамдыт. Ѓайвахай местам Талдахат мэна" спортсмену" команда канаѓата. Хомана мяналмѓэ" навѓт ѓалка соревнованихи" кайны", таньняна ѓай нѓхѓмтуң, нюңк ѓаймямтуң конулпѓты".

Ѓокна нятакоѓа"

Выңушамна ѓайваѓа". Талдахай школа-интернатхана тоходкота" ѓашки" хайму" нятапи". Таньше нятакош манде куптат чепьѓаш". Урокатуң пут тоходкота" ѓашкиуди" школантуң музейхана кататат – окопные свечи" шедтапѓшту".



Таттама: А. Пяк таттамы

Чикитоң СВОхана мэнаха" ѓайтапташтутуң. Хадям няна хайнолтахана" тальша ѓамыку" тадаѓа". Кататато" таклаш мэчитуң мякнатуң мѓштутуң. Мятуң дялымтампѓш тавташтутуң, шайтатуң пилпѓш", кѓдугуң чудипѓш мѓштутуң.

Чики тунтуң дямохат хыңной паныдѓтуң, пемитун – топлотуң касташту". Таньше окопные свечи" шедтапѓш ѓашкиуде" школа-интернат музейхана манслана Нина Топоева тоходымпита. Веша банка", картон' патал, парафин' – тальшахат кататат шедташту". Нельчеѓй няна парафинхана камтамантуң мэт шедтамайтуң катататутоң наѓича мят канаштутоңыш, четаң кальтуң музейханантуң таньдет ѓайта ѓайвачетоң мѓштутуң. Ѓупмѓмахана шанат дют свечи" шедташту".

Няхал пуң дямпан ѓашкиуде" манде шанат дюл" кататату" хайму" няң ѓайтаптаѓаш". Чикиң камна музейханантоң дялнас пускохот таклаш мэта маскировочный' шентми" паңкадышту". СВОхана мэна" нетуң маймаң мэты письмотуң паташту". Таньше мѓматонѓ ѓалтана ѓашкяхена" хома. Кальтуң вимнянтуң хома шоньшахана нятаку". Ѓокна нятакош ѓука мансдым, хайнолта" нетуң нятапѓш, шедташту".



Талереҥгавы ненэця' ваде"мы

(Нюртей пелямда 6 номеркана толара")

СУҢУСИ ХАСАВА ЃАЦЕКЫ' ТАЛЕРЕ"МЯ

Мята ҥадавна ядэртаханда Суҗуси лакри' хэвувнанда җоб" тидм' манэ"җа, ненэця' пянидм' мэараха. Тикы' пуд лахананам' намда:

–Мара" хэвувнана" товэн', җота җод" сянако нядна" хэбцун'. Маньена" пили" җоб" яхана мэва". Теда' мале ялява" хуб-тэхэнда тэвы". Сянакодава", сит ня едейкуртава", ядэртава". Мядона" хахая җа", пон' нива" минд".

Суҗуси тарця лахананам' намда сейда хадита малхана хая, җули" ледада. Мята сэван' манэць хубта җэвы, та' пирувна пыда җыхы явна ядэрманда сер' тэввы".

Тарем' сыртаханда җамгэхэв' тидм' җари" хэвхананда манэ"җа, тикада ненэця' то"олха, хасава җацекэрха. Җопой паныда җули" җадсуй", сята җоб" тарем' манэ"сыта яҗгу, няби хэвда яҗгодарха, сята хэвня' паҗгарпида. Тикы' хэвхана тамна сидя җарка ненэцяҗг' нуҗаха'. Пыдо' Суҗусим' җудахаданда ня"амван' харвадо', тэри ян' миндя сехэрэн' табекурҗа". Суҗуси

сейда хая, җэда җоб" ян' тадна" то"олха". Җамгэ' пиркана мята няю' сюрамба тарада. Пумнанда тикыда пили" сюрамбадараха", сидта хаця ня"амван' мале харванарха".

Мяканда миндыханда нёховы, мят' сюрамба тю. Тикарихина ва"ав' ни' мантэй", ныхыда яҗгодарха. Нида, мята тер" музипой" маниедо'. Небяхаданда итамда хаҗа, тикамда җаво"махаданда лясэй". Җамгэ' пиркана хонарэй", лакри' җамдэ ха"мы", җули" нёховы, сэвта ед' лаханакулы". Небыда нянда хая, тад хор"манда, нюда тэри ледре, җаянда яво ту' явораха, җарханда ядемби. Тарць" ямбхана пин' етри' инзеле, таянд нянда лаханана" мамонондо':

–Ти, тедахав няна" товандархан', сит няна" хаця сюртевэва"!– җарка"явана пихина хибяхав лахана.

Суҗуси серото' сер' пихид намдортида мунода няхата хэтыбида. Ненэцялха манэсо"мида небяханда ваде"яда. Җацекэндо' талеревам' нида тасладо'.

Пи' ямбан' Суҗуси ледре, ханяҗэхэна пин' паркасипой" хатясеты сана". Небыда варета табламбида. Идекоцям'

җаво"махаданда небымда тумд-сетыда, тад тикахад җылекавна писеласеты". Небында сейда җули" хая. Хубтахана Суҗуси җэта ни' санэй", паркасипой" пин' хатяда пя". Нисяда варета таблада.

Ялэманда сер' җэсы' тер" юркыд", тыдо' то", вэн' мад" җокма". Суҗуси җотаҗод" хонарэй". Нисяда хэвханандо' мюсермы хабей" тадебям' Пеё Салиндерм' ханзь тасла. Хурина сэвандана тадебя талеревым' савумда пирҗада. Няхар" җэдалёда хабей" җэсын' хая". Яля' ямбан' Суҗуси сэвта ед' лаханакурҗа, пихина лаханани намдорҗа. Небыда варета ня"амбида.

Пэвсюма' няна тадебям' тэврало'. Суҗуси' нися мяканда тюледа. Пеё Салиндер юнета тадебя җэвысь. Пыда мят' тю"мярихинда минханда саҗода юсидана җацекэн' ха"мы". Суҗуси җамды, мяд' моҗгавна сырҗа, тадебя' няю' сыр"ман' җули" ни харва", саҗомда хэвня' пэрҗада. Тикарихина пин' санэй", небыда пумнанда хая. Суҗуси тэри ян' сюрамба хантанаханда небыда мёека"явана ня"мада, мят' тюледа. Җоро"манда сер' Суҗуси ханзер" хэмямда серокута сер' ваде"лада. Тикы' пи' тадебя вэсако' хэвхана савовна хоны,

сидта пин' ханта мале яҗгу. Хубтахана Пеё вэсако' ня, нисяда, небыда җобкана талере"ма' яханда хая". Тад манэць хахая хэвханандо' хальмер" танявы", мале җыхы" сюрмы" җэвы". Ханяҗы" пэмбад" тахабэй". Сянхав җацекы" хальмерако" танявы".

Тадебя Суҗусим' җари" пэмбадо' хэван' тэвграда, җамгэхэв ваде"җа. Тад тикад пи' сер' няхар" яҗорэй' хальмер сюртейди', хасава җацекым' җудахаданда ня"амбида. Суҗуси' нися хальмераха" сярм' хае. Тикыто' пуд мято' няю' хая", Суҗуси етри' пуня' сырман харва, тамна намдорҗада. Хальмер" җацекы" хэвамдо' манэ"тахандо' тамна ярмондо'.

Тебтад' няна Суҗуси' нися тым' хада. Хасава җацекы тым' сохондамба мэта иня' җылмна няхар" яҗорэй' хая, тадебя пэямда вэяхана масарҗа. Тикы' пуд җацекы навэд савума, манэ"мыда юрыба пяйда. Несэй ян' тикарихина ямдэйд".

Талере"мамда маня" няна" Суҗуси пили" вадецетыда. Сянхана ханзеркав ханцеты.

Мань няданда намдвэми падарт' минхани падавась.

Раиса Яптунэ' падвы



Вадава" тохоламбива"



Едэйко Саване' мят' товы. Лахарёмди' иланди' нямна мэ"үади'.

Знакомство

Торомдаңгува

Едэйко, приглашаю тебя в гости. Хорошо, приеду.

Едэйко, мядоманзь мякни' тоин. Ѓэя, тоидм'.

Можно войти? Войди.

Мят' тюңгудм'? Ханян' тю".

Я хочу познакомить тебя со своей семьёй. Это моя мама.

Мань мяни терха"на сит торомдаңгудм' Тюку небями.

Чем занимается твоя мама? Моя мама – швея.

Небяр ңамгэ манзаям' пэрҗа? Небями – сэдорана не.

Где твой отец? Мой отец – оленевод, он собирает оленей.

Нисяр ханяна мэ? Нисями – ты пэртя, пыда малку.

Это моя сестра.

Тюку не нями.

Сколько лет твоей сестре? Ей 10 лет, она учится в школе.

Не нянд сян пода? Ю" пода, пыда школахана тохолку.

Это мой брат.

Тюку хасава ңацеке нями.

Он тоже учится в школе? Нет, не учится.

Пыда ңани' тохолку? Яңго, ни тохолку".

А кто живёт в соседнем чуме? В соседнем чуме живут мои дедушка и бабушка.

Тёняңы мякана хибя" иле"? Тёняна ирими, хадами илеҗаха'.

Теперь ты знаешь мою семью.

Теда' мяни тер тенеvid.

До свидания, Саване!


Лакамбой', Саване!

До свидания, Едэйко!

Лакамбой', Едэйко!

Лахарёмди' нердена пеля 6 номеркана ңа.

Паднаңгува"



Яра иры' 21 ялям' тодо" тэнз" ненэцие" помна ненадо яляңэ мэ"җава". Тикы' няю' яна" тер" харто' вадамдо' лэтравандо', ся"мандо' няю' диктантм' падыбаңгу".

Ңыхы 2000-й поход ЮНЕСКО' ватовна иринана" вадам' лэтрава' няю' наҗэдя таславы ялява" тая. Ңарка яна" тиңгэвна таҗок по' ямбан' хуркари" илека" се-ро минресетьва". Ямална" ңардавна ңани' варева" мэцетыва". Тадри' ңобт' ма"лэдава". Хусувэй ңарка, нюдя харад' тер" диктантм' падыбаңгу".

Салехард' тер" е"эмня ненэй ва-давна диктантм' толабадаңэ «Няръяна Ѓэрм»' газетана" ңэвахана мэна Яр Марина Тэтакучевна тараңгу. Ңамгэ' нямна паднаңгува", ханяна паднаңгува" – тикы' нямна няна" лаханась.

– Тюку по' ңобкана падыба-вандава" Ңарка сайнорма' по" нямна ңэңгу. Салехардахана ненэця" толаңгова' мякана ма"лэда". Тодо" лохохо"на паднаңгу". Теневацудо' хорпавандо' хавна пон' нивы ма-нэ"мы нидо' хоңгу". Неноховавна ңопой яхана ңока ңэрм' яна" вабц намдаңгува", паской ембдяродо' манэтава".

Тарем' харе" вадина" лэтрамба ненадо ялява" мэтава".

Галина Окоэтто' падвы

ОБЪЯВЛЕНИЕ

СЛУЖБА
ПО КОНТРАКТУ
В ВС РФ

ПОЛНАЯ ИНФОРМАЦИЯ ПО ТЕЛЕФОНУ
8(902)81-6-11-90
ЗВОНОК ПО РОССИИ БЕСПЛАТНО

ВРЕМЯ ДЛЯ
ВАЖНЫХ РЕШЕНИЙ!

КОНТРАКТНАЯ СЛУЖБА
6 200 000 Р
ЕДИНОВРЕМЕННАЯ ВЫПЛАТА
3 500 000 Р

ПРИ ЗАКЛЮЧЕНИИ КОНТРАКТА НА ЯМАЛЕ
Прибывающим с других регионов, возмещаются затраты на проезд от места проживания до г. Салехарда. В период оформления проживания в г. Салехарде бесплатно, 3-х разовое бесплатное питание!

ОБУЧЕНИЯ:

✓ ОПЕРАТОРОВ БЕСПЛОТНЫХ ЛЕТАТЕЛЬНЫХ АППАРАТОВ
✓ ТАКТИЧЕСКАЯ БОЕВАЯ
✓ МЕДИЦИНСКАЯ ПОДГОТОВКА

3 100 000 Р
ЕДИНОВРЕМЕННО ОТ РЕГИОНА
ДО 120 000 Р
СЕРТИФИКАТ НА РЕАБИЛИТАЦИЮ

400 000 Р
МИНИСТЕРСТВО ОБОРОНЫ
ЗАКЛЮЧЕНИЕ ВОЕННОГО СОЦИАЛЬНОГО КОНТРАКТА

ЕЖЕМЕСЯЧНЫЕ ВЫПЛАТЫ ПРИ НАХОЖДЕНИИ В ЗОНЕ СВО

РЯДОВОЙ
ОТ 210 Т. Р

СЕРЖАНТ
ОТ 232 Т. Р

ПРАПОРЩИК
ОТ 292 Т. Р

Газета
«Няръяна Ѓэрм»

Главный редактор
Яр Марина
Тэтакучевна

ГЕНЕРАЛЬНЫЙ ДИРЕКТОР
АНО «ЯМАЛ-МЕДИА»
Зулинова Мария Андреевна

№ 7 Подписано в печать 13.02.2025г.
Вышла в свет 15.02.2025 г.
По графику: 16.00, фактически: 16.00.

ПОДПИСНЫЕ ИНДЕКСЫ:
на год – ПА701,
на полугодие – ПР562.

Учредитель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708).

Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708)

Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года.
Регистрационный ПИ № ТУ72 – 00559

Тираж 3600 экз.

Заказ № 0085 (тираж 3600 экз.) отпечатан в АНО «Ямал-Медиа»
Юридический адрес: 629003, Ямало-Ненецкий автономный округ, г. Салехард, мкр. Богдана Кнунянца, д.1, каб. 106

Фактический адрес: 629007, Ямало-Ненецкий автономный округ, г. Салехард, ул. Чубынина, 39А

Газета выходит по субботам.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО, г. Салехард, мкр. Богдана Кнунянца, д.1, каб. 106
тел. (349 22) 4-53-32

E-mail: nn@yamal-media.ru